



Sermon
Kxf. Dr. Numlaajtsheb Yaaj

“Kuv Khaiv Koj Moog”

Twenty-second Saturday after Pentecost
St. Michael’s and Our Savior Lutheran Church
11-10-19

Thov txuj koobmoov txujkev hlub hab txujkev kaajsab rua mej suavdlawg lug ntawm Vaajtswv kws yog peb Leejtxiv kws yog peb tug Tswv Yexus Khetos. Asmees

Tsiv Dilm 3:10 “So now, go. I am sending you to pharaoh to bring my people the Israelites out of Egypt - *Ca le moog. Kuv khaiv koj moog rua Falaus moog koj kuv haiv tuabneeg yog cov Yixalayeess tawm tim Iziv tebchaws.*” (NIV) Nuav yog tug Tswv Txujlug. (Cross-references – Tegnium 7:6-7; 34, Chivkeeb 15:133-14, Tsivdlim 6:26; 12:40-41; 33:12-13, 1 Xamuyees 12:8, Nkauj Qhuas Vaajtswv 105:26, Mikhas 6:4)

Illustration: **Show Movie Clip** “Ten Commandment – Moses at the burning bushes” – 2:07 Min.
<https://www.youtube.com/watch?v=zUm6rC0o7Po>



11-10-19 The Ten Commandments (10 10) Movie CLIP - The Burning Bush (1956) HD - YouTube - 2.07.wmv

I. Mauxes luj hlub huv Falaus lub tsev txawm hastas Mauxes yog haiv tuabneeg “Jew – *Yudais.*” Lawv le Vaajtswv lub homphaj Mauxes txhaj le tau lug ua neej kawm kev txawj kev ntse, kev ua thawj koj, nrug rua ntau yaam kws yog tseg rua haiv tuabneeg Iziv tej tub nom tub tswv xwb. (**Show Moses tending sheep**)



Thaus Mauxes muaj 40 xyoo, Mauxes xaav hastas nwg yuav ua tau txhua yaam lawm. Nwg xaav paab nwg haiv tuabneeg *Yudais* kws raug ua cevqhev ntau taam lug kuas puab dlim ntawm txujkev tsimtxom tabsis nwg ua tsi tau lawv le nwg lub sab xaav. Yog le ntawd thaus Falaus muab Mauxes tshem tawm huv Iziv tebchaws, Mauxes txhaj le moog nyob tom tebchaws Midias kws yog taj suabpuam yug nwg yawmtxiv cov yaaj tau le 40 xyoo ntxiv. Thaus nuav Mauxes muaj le 80 xyoo. Vaajtswv maam le rov hu kua Mauxes moog tso Vaajtswv haiv tuabneeg kws raug ua cevqhev ntev heev rua tebchaw Iziv.

Zag nuav Vaajtswv yuav siv Mauxes lug ua Vaajtswv teg dlejnum. Vaajtswv txhaj le koj Mauxes lug rua ntawm tso ntoo cig suavtawg hab has rua Mauxes hastas, “So now, go. I am sending you to pharaoh to bring my people the Israelites out of Egypt – *Ca le moog. Kuv khaiv koj moog rua falaus moog koj kuv haiv tuabneeg yog cov Yixalayeess tawm tim Iziv tebchaws.*” (Tsivdlim 3:10) (**Show burning bush**)




Tab sis Mauxes twb muaj 80 xyoo lawm es ua le caag Vaajtswv tseem yuav siv nwg. Nwg tub tsis hluas le thaus nwg muaj 40 xyoo. Yog le ntawd Mauxes txhaj le nrhav tswvyim ntau yaam lug moog nug Vaajtswv. Vs. 11 “But Moses said to God, “Who am I, that I should go to Pharaoh and bring the Israelites out of Egypt – *Tab sis Mauxes has rua Vaajtswv tas, “Kuv yog leejtwg, es kuv txhaj le yuav moog rua ntawm Falaus hab koj cov Yixalayeess tawm tim Iziv?”*” (Tsivdlim 3:11))

Tuabneeg nplajteb los yeej najnub rhav “excuse – *siv lwm txujkev kua tsi txhob tau ua*” rua Vaajtswv tuabyaam hab yog thaus twg Vaajtswv khaiv kua peb yuavtsum moog tshaaj tawm Vaajtswv Txujmoozoo rua lub nplajteb nuav. (**Show Who am I? and Excuses**)



Ntau zag tuagneeg yuav ibyaam le Mauxes hastas, “Whom am I - *Kuv yog leejtwg?*” Kuv tsis khoom vim kuv muaj dlejnum ntau heev. Kuv tsis muaj sijhawm. Kuv tseem xaav pws ntxiv vim naagmo kuv nyob lig heev lawm. Kuv tsi paub qha lwmtug txug Vaajtswv.” Mej sim ua tuab zoo xaav saib, Mauxes tsuas yog ib tug tuabneeg zoo le koj hab zoo le kuv xwb.

Nwg tsi yog ib tugtwg kws yuav muaj fwjchim, muaj lub koob lub npe nrov, losyog ib tug kws tseemceeb. Mauxes txhawj hastas nwg yuav ua tsi tau Vaajtswv teg dlejnum. Koj hab kuv los yeej txhawj hastas peb yuav ua tsi tau Vaajtswv teg dlejnum ibyaam nkaus hab. **(Show one body)**



Tabsis, Vaajtswv pub peb ib leeg muaj ib yaam tswvyim kws yog koobmoov ntawm Vaajtswv. Peb txhuatug nyag muaj nyag lub tswvyim kws Vaajtswv yog tug pub kws yog lug ntawm Vaajtsujplig Dlawbhuv. Tej zag koj tau koobmoov kws yog paab rua cov tuabneeg txomnyem, txawj computers, luag ntxhwb ntxhis rua lwm leej lwmtug, paab lwmtug, txais tog qhua, qha cov mivnyuas yau losyog paab rua cov hluas. Tej nuav yog lub tswvyim kws yog koobmoov Vaajtswv pub rua koj ua tau haujlwm zoo rua lwmtug. Mej ibtxha yuav ua dlejnum tau zoo yog mej nrug ib paabpawg uake. Mej ibtxha yuav tsum tau qha kua mej txawj ua dlejnum le caag, mej txhaj le yuav paub ua. Txujkev ua

Vaajtswv teg dlejnum yog nyag muaj nyag lub tswvyim tabsis suavdlawg puavleej yog koom nrug Yexus Khetos tuab lub cev. (1 Kauleethaus 12:12-31) Yog hastas koj koj koj lub tswvyim kws Vaajtswv pub rua koj lug ua Vaajtswv teg dlejnum es tsi txhob ntshai, tabsis ca le ca sab rua teg dlejnum ntawd, Vaajtswv Txujlug yuav fuamvaam ntau heev txug peb Tswv Yexus Khetos rua lub nplajteb kws tsi tau paub txug Vaajtswv le.

II. Vaajtswv hu peb txhuatug, txawm yog tug laug losyog tug hluas, txawm yog tug muaj lub tswvyim, txawm yog tug kawm ntawv sab, txawm yog tug tsi txawj tsi ntse losyog tug muaj koob muaj npe, lug ua lawv le Vaajtswv txujlug hastas, “Go and make disciples of all nations ... *Ca le moog muab txhuatug tuabneeg lug ua thwjtim...*” (Mathais 28:19) nyob rua huv lub nplajteb nuav. Txawm Mauxes yuav nrhav tswvyim lug has kua nwg tsi txhob tau moog ua Vaajtswv teg dlejnum los Vaajtswv yog tug paab nwg. Peb yuav nrhav tswvyim lug kua peb tsis txhob tau moog ua Vaajtswv teg dlejnum los Vaajtswv yog tug yuav paab peb. Ntau zag peb yuav hastas:

(Show no more excuses)



Vaajtswv, Kuv laug heev lawm, hab kuv yuav ua tsi tau dlaabtsi rua koj lawm. Vaajtswv yuav teb koj hastas, “Kuv yog tug pub koj muaj sa nyob ntau xyoo lug txug naj nub nwgnuav hab yuav siv koj tej kev txawj ntse kws koj muaj lug lawm rua tej lub sijhawm zoo le nuav. Yog le ntawd kuv tseem tsi tau pub koj moog su.” **(Show I’m not smart enough)**



Vaajtswv, kuv tsi muaj kev txawj kev ntse hab lub tswvyim kws yuav txawj xaav le lwmtug. Vaajtswv yuav teb koj tas, “Kuv yog tug tsim koj. Thaum koj tseem nyob huv koj nam lub plaab, kuv paub txhua yaam txug koj hab koj txujkev ua tau hab tsi tau. Kuv yog tug Tswv, kuv yeej tsi yuamkev le. Txawm yuav muaj xwmtxheej le caag los koj yeej ua tau rua lub sijhawm nuav.”

(Show my child you worry too much)



Vaajtswv, kuv tsi muaj lub tswvyim kws yuav moog ua tau rua tuabneeg nyam kuv. Kuv txhawj heevle. Vaajtswv yuav teb koj tas, “Koj txhawj dlhau heev lawm. Koj ca le yuav le kuv has xwb. Kuv tub siv tug txawj muag khau, tug ua vaajtsev, tug ua tsevntaub, tug nuv ntseg, tug sau se hab cov tuabneeg nyob huv nplajteb nuav lug qha kuv txujlug tseeb lawm. Kuv yuav ua txhuayam rua koj.”

(Show Learn and Lead)



Vaajtswv, Kuv nyuam qhuav lug ntseeg tshab, kuv tsi tau paub txujkev ntseeg zoo. Vaajtswv yuav teb koj tas, “Kuv yog qhovtseeb, yog txujkev hab yog txujsa.

(Yauhaas 14:6) Muab koj txujkev ca sab rua kuv. Kuv tub muaj ib cov tuabneeg nyob huv pawgntseeg nuav lug qha koj lawm, yog le ntawd koj ca le kawm ntawm paub. Tabsis yaam kws koj kawm tau, koj yuavtsum coj lug moog ua yaam kws koj kawm tau rua lwmtug.” (Show learn, practice, and improve)




Vaajtswv, Kuv tsi txawj ua koj teg dlejnum. Kuv tsi txawj hu nkauj, kuv tsi txawj cob qha. Kuv yuav ua le caag? Vaajtswv yuav teb koj tas, “Kuv tub pub tswvyim kws yog koobmoov kws yog lug ntawm Vaajntsujplig Dlawbhuv kws tug yuav paab koj txhuayaam. Yog le ntawd, koj ca le kawm, xyum, koj txhaj le yuav paub.” (Show God is my strength)



Vaajtswv, Kuv tsis muaj zug le lawm. Vaajtswv yuav teb koj tas, “Kuv yog koj lub zug. Yog koj vaam txug kuv, koj yuav yaa le tug dlaav, koj yuav tsis qaug zug, koj yuav moog taug kev, koj yuav tsi tsaus muag le.” (Show excuses)



Tuabneeg tsua pheej nrhav lwm txujkev hastas, “I’m too young, I can’t afford it, I’m too old, I don’t have time, I don’t get it – *Kuv hluas heev, kuv them tsi taug, kuv laug heev, kuv tsi muaj sijhawm, kuv tsi totaub.*” Yog le ntawd, tsi txhob nrhav lwm lub tswvyim lug tib Vaajtswv. Koj ca le noog Vaajtswv lug. Ntau zag Vaajtswv yuav haslug rua koj lug ntawm tej lug ntxhis, has lug ntawm tej tug mivnyuas, has lug ntawm tej zaaj nkauj, has ug ntawm cov lug qhuab qha, has lug ntawm tej phau ntawv, has lug ntawm koj tug phoojywg, los yog has lug ntawm lwmtug tuabneeg kws koj tsi tau paub. Koj yuavtsum tig pobntseg noog. (Show Albert Schweitzer)



Muaj ib mo, muaj ib tug xwbfbw qha ntawv taabtom ua nwg cov ntawv yuav coj moog qha nwg cov tub kawm ntawv. Thaus nwg saib nwg tej ntawd yuav tag, nwg pib muab ib cov povtseg rua lub tawb tso khoom povtseg – tabsis nwg pum ib phau ntawv kws tub tsi yog sau rua nwg. Thaus nwg muab qheb nthuav nyeem cov ntsab lug sau hastas, “The needs of the Congo Mission. The need is great here. We have no one to work the northern province of Gabon in the central Congo. And it is my prayer as I write this article that God will lay His hand on one - one on whom, already, the Master's eyes have been cast - that he or she shall be called to this place to help us.” The professor closed the magazine and wrote in his diary: “My search is over.” (Show Schweitzer work)



Tug xibfbw qha ntawv nuav lub npe hu uas Albert Schweitzer. Phau ntawv kws xaa tuaj yog xaa rua lwmtug, tabsis lwmtug muab tso yuamkev rua nwg lub chaw ca ntawv. Lug ntawm txujmoo nwg tug tus vaaj tu tsev muab tso rua sau nwg lub rooj, Lug ntawm txujmoo nwg muab coj lug nyeem. Yog le ntawd Dr. Albert Schweitzer txhaj le dlhau lug yog ib tug “humanitarian – *paab tuabneeg*” kws ua dlejnum zoo kawg nkaus nyob rua tam nuav.

<http://willvaus.blogspot.com/2012/12/saturday-of-third-week-of-advent.html>

III. Mauxes tig moog noog saib Vaajtswv has le caag ntawm tsob ntoo kws cig tsi kub le saib Vaajtswv has le caag. Yog hastas koj yuav ca Vaajtswv ua tug coj koj kev, koj yuavtsum tig koj lub pobntseg lug noog saib Vaajtswv has le caag rua koj. Yog le ntawd, uantej kws koj yuav ua tau le nuav, yuavtsum muaj ob yaam uantej. (Show Proverbs 1:7)



Ib, Koj yuavtsum paub ua lub neej paub ntshai Vaajtswv. (Paajlug 1:7) Mauxes yeej tsi nov Vaajtswv tej lug yog Mauxes tsi paub fwm tug kws has lug rua nwg. Yog koj tsi paub ua lub neej paub ntshai Vaajtswv es koj tsuas naj nub qhuas txug koj tug kheej xwb ces nuav yog ib qhov kev kws koj tsis paub fwm Vaajtswv lawm. (Show you learn nothing)



Ob, Koj yuavtsum txu fwjchim lug noog yaam kws qha rua koj. Yog koj hastas, koj txawj ua koj lawm, ces yog koj tsi noog lug lawm. Koj yuavtsum totaub tas



(Show turn your ear to listen) Vaajtswv yuav siv lwmtug lug qha koj. Nwg yuav siv tej tug kws tsi muaj lug has. Nwg yuav siv tug kws yog yug tug yeebncuab. Nwg yuav siv tug mivnyuas yaus. Nwg yuav siv tug kws haslug tsi tshuam meejpem. Koj yuavtsum muab koj tej kev txawj kev ntse kawg cas es tig koj lub pobntseg lug noog saib lwmtug has le caag. Yog koj tsi tig pobntseg noog, ces thaus Vaajtswv haslug, koj yuav tsi nov. (Show Jesus hang on the cross)



Vaajtswv tub khaiv Mauxes hab cov xwbfbw cev Vaajtswv lug nyob rua Vaajlugkub Qub lawm. Nwg khaiv nwg tug Tub Yexus lug tuag sau tug ntoo khaublig lug theej lub nplajteb txujkev txhum. Thaus Yexus kovyej txujkev txhum, kev tuag hab dlaab ntxwngnyoog. Yexus khaiv nwg cov thwjtim moog qha Txujmoozoo rua lub nplajteb kuas txhuatug txhaj le tau txujkev cawmdlim lug ntawm Nwg lub npe. (Show John 20:21)




Yexus hastas “As the Father has sent me, I am sending you! And with that he breathed on them and said, “Received the Holy Spirit ... *Leejtxiv khaiv kuv lug le caag, kuv yuav khaiv mej moog ib yaam le ntawd. Ces nwg txawm tshuab paa rua puab hab hastas, 'txais Vaajntsujplig Dlawbhuv ...*” (Yauhaas 20:21) Lug ntawm cov lug kws Yexus cogtseg rua nwg cov thwjtim, qhov nuav qha tau tas nwg yuav tsi ca puab moog puab tug kheej ib zag le. Txawm puab yuav moog ib lub zog rua ib lub zog qha txug Yexus txujkev sawv ntawm txujkev tuag rov lug los nwg yuav nrug nraim puab lug ntawm Vaajntsujplig Dlawbhuv. (Show the Holy Spirit Helps Us Teach)





Vaajntsujplig Dlawbhuv yuav ua tau txujci tseemceeb lug ntawm puab. Vaajntsujplig yuav pub puab sau tau Vaajtswv Txujlug nyob rua ntawm phau Vaajlugkub Tshab. Vaaj Ntsujplig Dlawbhuv yuav qha puab txhua yaam hab ua kua puab rov ncu txug txhua yaam kws Yexus tau has hab qha lawm. Vim yog le nuav tug Thwjtim Paulus txhaj le sau hastas, “We speak not in words taught us by human wisdom, but by the Spirit, expressing spiritual truths in spiritual words – *Peb haslug tsis yog tej lug txawjntse kws tuabneeg*

qha, tabsis yog lug ntawm ntsujplig, qha lug ntawm tug tseem ntsujplig kws yog ntsujplig cov lug.”

(1 Kauleethaus 2:13). Yog le ntawd, thaus cov thwjtim moog qha Vaajtswv Txujmoozoo, Vaajntsujplig Dlawbhuv yeej nrug nraim puab txhua lub sijhawm. (Show Go)



Yexus khaiv cov thwjtim moog qha Txujmoo zoo. Uantej Yexus yuav moog sau ntuj ceebtsheej, Nwg has kuas koj “... *ca le moog muab txhuatug tuabneeg lug ua Vaajtswv cov thwjtim...*” Peb yog khaiv lug ntawm Yexus lug moog qha txug Nwg txujkev sawv ntawm txujkev tuag kws yog txujkev cawmdlim kws pub txujkev zaamtchim kws yog tau txujsa moog ibtxhis. Cov thwjtim tau Vaajntsujplig Dlawbhuv. Peb los yeej tau Vaajntsujplig Dlawbhuv ib yaam nkaus kws ua rua txhuatug ntseeg qha tau rua lwmtug txug peb tug Camwseej Tswv Yexus Khetos. (Show listen and send me)



Nuav zoo nkaus le thaus Vaajtswv khaiv Mauxes moog cawm cov Yixalayees, hab zoo nkaus le Yexus cov thwjtim moog txhua qhovchaw qha txug Yexus Khetos. Thov kuas peb tug Camwseej Tswv Yexus Khetos pub peb muaj peevxwm hab kub sab lug - lug moog qha txug txujkev kws tau txujsa ntev dlhawv moog ibtxhis lug ntawm Tswv Yexus Khetos lub npe. Yog thaus twg Vaajtswv hastas, “Kuv khaiv koj moog,” koj txhaj le yuav teb tau le Xamuyees teb hastas, “.....Speak, for your servant is listening - ...*haslug, koj tug tubkhaiv*

taabtom noog” (1 Xamuyees 3:10) And you be able to say with confidence like Isaiah, “.... Here am I. Send me! – *Koj yuav muaj peevxwm has tau le Yaxayas hastas, “Kuv nyob ntawm nuav, khaiv kuv moog!”* (Yaxayas 6:8). Thov kuas Vaajtswv txujlug pub rua peb suavdlawg totaub hab tau nyob kaajsab lug rua ntawm tswv Yexus Khetos lub npe. Peb txhuatug kws yog Vaajtswv cov mivnyuas peb suavdlawg has: Asmees.